

426
N. 2.
41 306
p. -

LETTRE DE LA
ROYNE REGENTE,
enuoyée à Messieurs de
Parlement.




17
9

A PARIS,
Chez F. MOREL, & P. METTAYER,
Imprimeurs & Libraires ordi-
naires du Roy.

M. D C. XIV.
Avec Privilege de sa Majesté.





LETTRE DE LA ROYNE
*Regente, à Messieurs de
Parlement.*

MESSIEURS, depuis l'adue-
nement du Roy Monsieur
mon Fils à ceste Couronne, ie
me suis tousiours proposé pour princi-
pal but de maintenir ce Royaume en
paix & repos, pendant son bas aage,
sçachant par des exemples qui n'y sont
que trop recens & notoires, combien
les guerres Ciuiles & mesmes durant
la minorité des Rois, sont dommagea-
bles & perilleuses. De sorte que com-
me ie luy ay donné ce Conseil, i'ay par
effect employé tout ce qui a esté en
mon pouuoir pour le faire reüssir. Et
aussi tost qu'il s'est présenté quelque
occurrence, dont i'ay preueu que les
effects eussent peu alterer la tranquili-

ré publique, i'ay esté au deuant du mal
& y ay pourueu avec toute la vigilance
& sollicitude qui m'a esté possible. Ce
qu'ayant faict en toutes occasions, j'y
ay mis peine plus qu'en nulle autre, en
celle qui est suruenüe au commence-
ment de ceste année, de l'esloignement
de mon Nepueu le Prince de Condé,
& de tout ce qui s'est passé en conse-
quence d'iceluy: par ce que à l'affectiō
que i'ay au public, ie ioignois encore le
soin que i'ay de sa personne: tellement
que mondit Sieur & Fils, & moy; auōs
incontinant enuoyé vers luy par diffé-
rentes fois & en diuers lieux, & au mes-
me temps que nous auons entendu ce
qu'il nous a faict représenter du subiet
de son depart, député mon Cousin le
Duc de Vantadour, & quelques autres
du Conseil de mōdit Sieur & Fils, pour
venir à vne conferēce ainsi que ie vous
ay fait sçauoir. Et apres plusieurs voya-
ges & difficultez elle a en fin esté termi-

née, en sorte que mondit Nepueu & les Princes, Officiers de la Couronne & autres qui l'ont assisté, nous ont donné toute assurance de leur fidelité & obeissance, & de s'employer avec tant d'affectio à tout ce qui sera du seruice de mondit Sieur & Fils, & du bien & aduantage de cest Estat que le public en receura l'vtilité, & nous le contentement que nous desirons, de maniere que tous soubçons, & deffiances doiuent cesser maintenant, & que partant il n'est plus besoing que les habitans des villes continuent à faire garde en icelles, & d'en empescher l'entrée suiuant les commandemens que nous leur en auons cy-deuant faits. C'est pourquoy outre ce que le Roy Monsieur mon Fils en a escrit à plusieurs, Nous auons ordonné aux Gouverneurs & ses Lieutenans Generaulx en ses Prouinces, d'aduertir en l'estenduë de leurs charges, ceux qui seroient encores en doute de nostre

volonté, qu'ils se peuuent desormais
soulager de ceste peine, & que nous
entendons que les choses demeurent
aux mesmes termes qu'elles estoient
auparauant ces mouuements, ausquels
comme nous n'auons peu mettre fin si
tost que nous l'eussions desiré, & que
ce pendant & à nostre tres-grand re-
gret le peuple à esté incommodé des
gens de guerre: Aussi mon principal
soing est maintenant de pourueoir
qu'ils soient promptement licentiez
de tous costez, & desia il y a si bon cō-
mencement que i'espere que les subiets
du Roy Monsieur mon Fils, ne tarde-
ront gueres à receuoir le soulagement
qu'ils attendent, & que le Roy Mon-
dit Sieur & Fils & moy auons tant desi-
ré, que pour y pourueoir nous auons
laissé en arriere toutes autres confide-
rations qui nous eussent peu retenir:
mais ie n'auray point de regret aux pei-
nes que i'ay eues, & à tout ce que nous

auons fait pour ce sujet, si Dieu nous fait la grace de continuer vn bon & assureur repos à la France, comme ie l'espere, & que mondit Nepueu & les autres persistent en la bonne resolution en laquelle ils nous ont tesmoigné d'estre depuis luy auoir accordé les articles arrestez en ladite conference, auxquels mon Nepueu le Duc de Vendosme est compris : mais comme il est esloigné nous n'auons encores assurance de sa part de ce qu'il fera, & toutesfois nous ne doutons point qu'il ne se conforme à ce qui a esté dit pour son regard, nous en ferons dans peu de iours esclarcis, & iusques alors nous reseruerons en tous cas quelques forces pour y pourueoir par ceste voyes'il en est besoin. Cependant i'ay voulu vous faire ceste lettre pour vous informer de l'Estat auquel sont à present les affaires, & vous assurer que le Roy Mondit Sieur & Fils, & moy, auons tout contente-

ment du bon deuoir que vous auez
faict en ces occasions, pour maintenir
son authorité, & contribuer ce qui de-
pendoit de vous, au bien de son seruice,
& le repos de ses subjets, & que nous
en conseruerons à iamais la souuenan-
ce. Priant Dieu, Messieurs, qu'il vous
ait en sa sainte & digne garde. Escrit
à Paris le dernier iour de May, mil six
cens quatorze.

M A R I E.